

鍾肇鵬 選編

第八冊

續百子全書

全二十五冊

北京圖書館出版社



續百子全書

第八冊



第八冊目錄

先聖大訓（卷四至卷六）		一
晁氏儒言		三六三
昭德新編		四一五
邇言		五〇一
芻言		五二三
心經政經合編		五六七
心經		五七五
政經		六一七
龍門子凝道記		六四九
闡言長語（一）		七五九

先聖大訓卷第四

詩經

明州楊簡輯并註

始誅第二十八

孔子爲魯司寇於是

此篇有闕文史記曰與聞國政

朝政七日而誅亂

政大夫少正卯戮之于兩觀之下尸於朝三日子貢進

曰夫少正卯魯之聞人也今夫子爲政而始誅之或者

爲失乎孔子曰居吾語女以其故天下有大惡者五而

竊盜不與焉一曰心逆而險二曰行辟而堅三曰言僞

而辯四曰記醜而博

醜者不善之類

五曰順非而澤

其和順之貌亦有光澤之可觀而非也非謂非道似

是而實非

此五者有一於人則不免君子之誅而少正卯兼有之
其居處足以擷徒成黨其談說足以飾褒榮衆其強禦
足以反是獨立此乃人之姦雄有不可以不除夫殷湯
誅尹諧文王誅潘正周公誅管蔡太公誅華士管仲誅
付乙子產誅史何凡此七子皆異世而同誅者以七子
異世而同惡故不可赦也詩云憂心悄悄慍于羣小小
人成羣斯足憂矣孔子爲魯大司寇有父子訟者夫子
同往執之徃邊迷反徃獄牢三月不別其父請止夫子赦之季
孫聞之不說曰司寇欺余曩告余曰國家必先以孝余

今戮一不孝以教民孝不亦可乎而又赦之何哉冉有以告孔子子喟然嘆曰嗚呼上失其道而殺其下非理也不教以孝而聽其獄是殺不辜也三軍大敗不可斬也獄犴不治不可刑也

子路片言可以折獄者以子路信義足以感人心人不致欺故片言而囚卽以誠對然則獄犴之不治當反求諸已已之德禮猶有闕不可唯以刑加之也

何者上教之不行罪不在民故也夫慢令謹誅賊也徵斂無時暴也不試責成虐也政無此三者然後刑可卽也書云義刑義殺勿庸以卽汝心惟曰未有遜事言必

教而後刑也

尚書康誥曰用其義刑義殺勿庸以次汝封乃汝盡
遜曰時敘惟曰未有遜事卽猶次也王肅注家語云
卽就也刑殺當以義勿用以就汝心之所安當謹自
謂未有順事且陳道以德服之以無刑殺而後爲順
是家語作順事簡考家語多差誤

旣陳道德以先服之而猶不可尚賢以勸之又不可卽
廢之又不可而後以威憚之若是三年而百姓正矣其
有邪民不從化者然後持之以刑則民咸知罪矣詩云
天子是毗俾民不迷

毗輔也
俾使也

是以威厲而不試刑錯而

不用今世則不然亂其教繁其刑使民迷惑而陷焉又從而制之故刑彌繁而盜不勝也夫三尺之限空車不能登者何哉峻故也育仇之山重載陟焉何哉陵遲故也其發陵遲緩而不急峻今世俗之陵遲久矣雖有刑法民能勿踰乎

言上失其道禮樂刑政廢壞人心流放之久

五刑第二十九

冉有問曰古者三皇五帝不用五刑信乎孔子曰聖人之設防貴其不犯也制五刑而不用所以爲至治也凡民之爲姦邪竊盜靡法妄行者

大戴記盛德篇不言冉有孔子問答其間有大

略同者
靡作止

生於不足不足生於無度無度則小者偷情

戴大

記作

大者侈靡各不知節是以上有制度則民知所止

民知所止則不犯故雖有姦邪賊盜靡法妄行之獄而無陷刑之民不孝者生於不仁不仁者生於喪祭之禮不明喪祭之禮所以教仁愛也能致仁愛則服喪思慕祭祀不懈人子饋養之道喪祭之禮明則民孝矣

內則篇首曰後王命冢宰降德于衆兆民繼言子事父母饋養之禮甚詳蓋施禮於民使民遵行孔子曰所重民食喪祭喪祭禮之大者饋養之禮乃其同類故此并及饋養之禮皆使民遵行

故雖有不孝之獄而無陷刑之民弑上者生於不義義
所以別貴賤明尊卑也貴賤有別尊卑有序則民莫不
尊上而敬長朝覲之禮所以明義也義明則民不犯故
雖有弑上之獄而無陷刑之民鬪變者生於相陵大戴記變
辨作相陵生於長幼無序而遺敬讓鄉飲酒之禮所以明
長幼之序而崇敬讓也長幼必序民懷敬讓故雖有鬪
變之獄而無陷刑之民淫亂者生於男女無別男女無
別則夫婦失義婚禮聘享所以別男女明夫婦之義也
男女既別夫婦既明故雖有淫亂之獄而無陷刑之民
此五者刑罰之所從生各有源焉不豫塞其源而輒繩

之以刑是謂爲民設筭而陷之也刑罰之源生於嗜欲
不節夫禮度者所以禦民之嗜慾而明好惡順天道也
禮度旣陳五教畢脩而民猶或未化尚必明其法典以
申固之其犯姦邪靡法妄行之獄者則飭制量之度有
犯不孝之獄者則飭喪祭之禮

其飭人子饋養之禮不言可知矣

有犯弑上之獄者則飭朝覲之禮有犯鬪變之獄者

大戴

記變皆
作辨

則飭鄉飲酒之禮有犯淫亂之獄者則飭昏聘

之禮三皇五帝之所以化民者如此雖有五刑不用不
亦可乎孔子曰大罪有五而殺人爲下逆天地者罪及

五世誣文武者罪及四世逆人倫者罪及三世謀鬼神者罪及二世手殺人者罪止其身故曰大罪有五而殺人爲下矣

鬼神人之所尊敬今也敢謀之非一世之積也故并罪其父至於逆人倫則其罪又大故罪及三世逆人倫之罪雖大然其間或其在王者之不德以致逆亂至於文王武王聖人大君天下之所同尊同敬而忽有妄言誣之者故罪及四世至於天地人心之所尊敬又過於文武矣敢逆焉其惡益大其積習必益久而後至於此故罪及五世自身之外餘所及者當有

等差文王罪人不孥以此知餘所及者有等差

冉有問曰先王制法使刑不上於大夫禮不下於庶人然則大夫犯罪不可以加刑庶人之行事不可以治於禮乎孔子曰不然凡治君子以禮御其心所以屬之以廉恥之節也故古之大夫其有不廉坐汙穢而退放之者不謂之不廉汙穢則曰簠簋不飭有坐淫亂男女無別不謂之淫亂男女無別則曰帷幙不脩也有坐罔上不忠者不謂之罔上不忠則曰臣節未著有坐罷軟不勝任者不謂之罷軟不勝任則曰下官不職有坐干國之紀者不謂之干國之紀則曰行事不請此五者大夫

既自定有罪名矣而猶不忍斥然正以呼之也既而
之諱所以媿恥之是故大夫之罪其在五刑之域者問
而譴發則白冠鵲纓盤水加劍造乎闕而自請罪君不
使有司執縛牽掣而加之也其有大罪者聞命則北面
再拜跪而自裁君不使人捽引而刑殺之也曰子大夫
自取之耳吾遇子有禮矣是以刑不上大夫而大夫亦
不失其罪者教使然也所謂禮不下庶人者以庶人遽
其事而不能充禮故不責之以備禮也冉有跪然免席
曰言則美矣求未之聞退而記之

仲弓第三十

仲弓問曰雍聞至刑無所用政至政無所用刑至刑無所用政桀紂之世是也至政無所用刑成康之世是也信乎孔子曰聖人之治必刑政相參焉太上以德教民而以禮齊之其次以政導民以刑禁之刑不刑也疑不下有文闕化之而弗變導之而弗從傷義以敗俗於是乎用刑矣文顯五刑必卽天論

顯剕也剕裁制也以剕記音古書多此類以女爲汝以士爲事以撻爲繕以尤爲郵以宥爲又王制云凡制五刑必卽天論鄭康成注云論或爲倫簡觀下言必原父子之親立君臣之義以權之已見依人倫以

權度定刑之意而未及乎天凡制五刑之道當即天心以論之有毫毛不與上天同則其制刑也必有差此用刑之大要豈論字之誤歟

行刑罰則輕無赦

王制云凡作刑罰輕無赦刑罰雖盡心致慎至於無疑情必不可不刑必不可不罰則罪雖輕不可赦若至是而又赦則爲不善者無所懲矣

刑罰也制成也壹成而不可更故君子盡心焉仲弓曰古之聽訟尤罰麗於事不以其心可得聞乎

土肅云尤過也麗附也王制尤作郵亦猶制作顓尤

罰罪之小者事狀明白卽加罰焉不必更原其心以罰輕可略也若大罪則必原其心此古意歟

孔子曰凡聽五刑之訟必原父子之情立君臣之義以權之意論輕重之序慎測淺深之量以別之悉其聰明正其忠愛以盡之

本心之正自有忠愛王制正作致

大司寇正刑明辟以察獄獄必三訊焉有指無簡則不聽也

王制指作旨訟辭必書諸簡無諸簡而空以口陳旨意不麗於事事狀不明白則不聽也